

## Большевикүдин апрельск конференц

Петроград балгъснд, дѳчн джил хооран, 1917 джилни майин 7 ѳдр (хуучнагъар апрелин 24-д, РСДРП-н (большевикүдин) Всероссийск VII-ч (Апрельск) конференц секгд-смн. Партин бӳӳдл-джиргълд эн улү ик чинртӳ уүлдвр бӳӳс-мн. Бурддж гарсиасн авн тӳрүн болдж тӳрскн орн-нутгдан большевикүд илӳр цуглрдж бӳӳснъ тер билӳ. Партин 80 мингъ шаху член улсин элчнр болдж, тӳр хагълх зӳвтӳгъӳр 133 делегат, хуүвлгч зӳвтӳгъӳр 18 делегат цуглр-смн.

Кӳдлмшч классин кергин тӳлӳ ноолданд йилгърдж батрцхасн, революционн оln-ӳмтнӳ ѳмн нуүрт йовдж, тедниг бурдӳгч большевистск гардгч улс, орн-нутгин цуг ѳнцг болгънас конференцд цуглрдж ирцхӳв. Ленин, Свердлов, Сталин, Молотов, Дзержинский, Куйбышев, Крупская, Землячка, Скворцов-Степанов, Ногин, Подвойский, Стасова / болн нань чигн нертӳ большевикүд конференцин кӳдлмшт орлц-цахв.

Хаана йосиг хольвлад хойрхн сар болсн болв чигн партӳ икӳр ѳссинь, эн ахрхн цагин эргцд ямр агъу ик кӳдлмш кегдсинь Апрельск конференц ил узулв. Февральск революц болхин урд Петроград балгъснд хойр мингъ шаху пар-

тийн член улс бӳӳсн болхла, Апрельск конференц цуглр-хин ѳмн теднӳ тонь 16 мингъ-гън кӳн кӳрв. Большевикүдин улмань церг дунд болн селӳнӳ газрт улм ѳсдж батрв. Кӳдлмшчирин, салдсмудин болн крестьянсин депутатрин провинцд гарсн оln Советмүд большевикүдин гардврар кӳдлцхӳв. Орн-нутгт „Правда“ — газетӳс талдан бас большевистск кесг газетс гаргъгдв.

Апрельск конференцд цуглрхд, орн-нутгин политическ бӳӳдл-йовдл цань уга ик кӳнд билӳ.

Российд майин 1-шин ѳдриг тӳрүн болдж сулдан темдглдж кеснӳ мангъдуртв, оln-ӳмтн „Милуковин нот“ гарсиг мед-цхӳддж, икӳр бурушацхав. Цаг-зуурин правительствин газадин керг-тӳрин министр Милуков тер нотдан, хамдан дӳ кеджӳсн орн-нутгудт амн угӳн ѳгч, ѳмннъ хаана йосн бий деерӳн авсн даалгъврсиг правительств кӳцӳх, „нарт делкӳд болдж-ах дӳӳг йилгъврч диилвр бӳртл кехдӳн“ белн бӳӳнӳ бидн гидж бичснн. Кесг зун мингъгън кӳдлмшчнр болн салдсмуд, большевикүдин дуудлгъар балгъсдудин ульницд гарцхадж, тенүг бурушулдж демонстрац кецхӳв.

Эн ѳдрмүдт болсн уүлдвр, цаг-зуурин правительствин ѳмн хату-мӳтү тӳрү эклдж гарча-

хинь узулв. Правительствин дотрас оlnа неквр чангъ болсар, оln-ӳмтнӳ ик дурго болдг Милуков болн Гучков хойр министрмүд гаргъгдцхав. Контрреволюционн баячудт энүнднъ чигн бас дӳнъ-нӳкд болдж зӳвшӳлцнр — меньшевикүд болн эсермүд ирцхӳв. Коалиционн цаг-зуурин правительств гидж гаргъхд тедн ик нӳкд болад, баячудин ахлачнриг дахдж бийснъ меньшевикүд болн эсермүд тер правительствд орцхав.

Иим оралдата цагт цуглр-сн большевикүдин Всероссийск VII-ч конференц партийн съездӳ адл чинртӳ болснн. Дӳӳнӳ болн революцин туск тӳрмүдӳр партин хаалгънъ ямаран болхиг конференц кӳүндвр кедж йилгъдж, таслдж гаргъсн болдг.

ӳдгӳ цагин бӳӳдлин тускар гидж В. И. Ленинӳ кесн докладар конференц кӳдлмшӳн эклв. Урднъ Апрельские тезисы гидж бичсндӳн темдглсн тоотиг Ленин цааранднъ делгрүлдж докладтан келв. „Пролетариатин медрлн болн бурдӳмдмжнъ тату болсар, баячудт йосиг ѳгсн революцин негдгч девснъгӳснъ — энүнӳ хойрдгч девснъ тал орлгъиг кӳцлгън“ ѳдгӳ цагин бӳӳдлиг йилгъгч сонън халхнъ гидж Апрельск тезисмүдт заагдла. **Буржуазн-демократическ революц уралан делгрӳд, социалистическ революцд хуүврх зӳвтӳ гидж тенүнд келгддж бӳӳснъ тер билӳ.**

„Цуг йосиг Советмүдт“ гисн лозунг партин ѳбр шидрин тӳр гидж Ленин тӳвб. Орн-нутгт хойр давхр йосн бӳӳдгиг уурулад, цуг йосн бӳклдӳн Советмүдин гарт ѳггдх зӳвтӳ гисн лозунг тернъ бӳӳсн юмн. Зер-зев авч бослгъ кегъӳд, йос буладж авхнн гисн дуудвр тернъ биш бӳӳснн. Оln-ӳмтнӳ ѳмнӳс тнигхд баячуд чидл-кӳч узулгъ эклӳд уга бӳӳх цагт, салдсмуд кӳдлмшч классин халхд йовсн цагт, цуг йосн дӳн-даджг угагъар Советмүдт ѳггддж чадх бӳӳснн.

Цаг-зуурин правительств унъг-джитхӳрн контрреволюционн бӳӳсинь, помещикүдин болн баячудин даджрлгъна йосн болджахинь болн мелкобуржуазн зӳвшӳрлгънӳ партъс „революционн харслт“ кехмн гисн худл-мекин лозунг гаргъад, кӳцӳддж большго үг ѳгӳд бӳӳцхӳдг тоотинъ кӳч-кӳлсч оln-ӳмтнд ѳргн делгүгъӳр болн кӳшл-цуцлрт угагъар цӳӳлгъдж ѳглгън партин нег ик ах тӳрнъ болдж гарснн.

Конференц деер Ленинӳ келсн тоотла зӳвтӳ бишвдн гидж Каменев, Рыков болн бас зӳрм улс келцхӳв. Российд болсн буржуазн-демократическ революц ода бийнъ тӳгсӳд уга, эврӳннъ кӳцх тоотан цугтнъ кӳцӳд уга, социалистическ революц кехд орн-нутг белн биш гидж тедн келцхӳв. Цаг-зуурин правительств деер Советмүдин контроль тӳвхмн гисн лозунг Каменев болн энүг дахцхасн улс гаргъв. Тернъ, бая-

чудин йосиг бӳӳлгъхмн гидж меньшевикүдин келдглӳ йилгъӳн уга адл бӳӳснн.

Конференц Лениниг дахснн. Орн-нутгт гарсн политическ бӳӳдлд гүн марксистск йилгъвр ѳгч, конференцин кӳүндвр тӳвгдсн чинртӳ тӳрмүдӳр цугтагъарнъ кесн докладмудтан болн келсн угдӳн В. И. Ленин заавр ѳгв, социалистическ революцӳр орхин тӳлӳ большевикүдин ноолда келгънӳ стратегий боли тактик олдж гаргъдж келв.

Ленинск аграрн программиг конференц нег дуугъар батлв. Орн-нутгин цуг газринъ национализировать кехмн, помещикүдин газринъ авад крестьянск комитетсин гарт ѳгхмн гисн шнидвр конференц гаргъв.

Оln келн-ӳмтнӳ туск тӳр конференцд бас тӳвгддж кӳндгдв. Оln келн-ӳмтнӳ туск тӳрӳр конференцин авсн, Ленинӳ бичсн резолюц, пролетарск интернационализмин ухан-седклтӳ бӳӳснн.

Октябрүр йовсн хаалгъд Апрельск конференц агъу-ик чинртӳ тууджлгч мӳр болснн. Ленинск туг дор партӳ цуглрдж бӳӳхинь конференц узулв, оln-ӳмтиг бийс талан орулдж авхин тӳлӳ ноолдлгънд большевистск организацсиг идӳн агсав.

„Мана революцин хойрдгч девснъ тал йовхд гардвр болгч заавр пролетариат мана резолюцсӳс авч чадхмн,“ — гидж конференц хаахларн В. И. Ленин келснн.